

Tunapokea Imani Itendayo Kazi kwa Upendo

Maana katika Kristo Yesu kutahiriwa hakufai neno, wala kutokutahiriwa, bali imani itendayo kazi kwa upendo—**Wagalatia 5:6.**

Unapowasilisha maombi yako kwa Bwana, inapaswa kuwa kwa unyenyekevu, bila kujivunia mafanikio makubwa, bali kwa nafsi yenye njaa ya kweli kwa ajili ya baraka ya Mungu. Yesu anajua daima kile kinachothaminiwa moyoni. Lazima tuje kwa imani kwamba Bwana atasikia na atajibu maombi yetu; “kila tendo lisilotoka katika imani ni dhambi.” Imani ya kweli ni imani ifanyayo kazi kwa upendo na kuitakasa nafsi. Imani iliyo hai itakuwa imani itendayo kazi. Iwapo tungeenda bustanini tukakuta kwamba hakuna utomvu katika mimea, hakuna ubichi kwenye majani, hakuna machipukizi yanayochipua wala majani yanayochanua, hakuna dalalili ya uhai kwenye kikonyo au matawi, tunganee, mimea imekufa.” Ndivyo walivyo wale wanaokiri kuwa Wakristo ila hawadhihirishi maisha ya kiroho. Ikiwa hakuna ishara ya nguvu ya kidini, ikiwa hakuna utendaji wa amri za Bwana, ni ushahidi kwamba hakuna ukaaji ndani ya Kristo, aliye mzabibu ulio hai.

Imani na upendo ni vipengele muhimu, vyenye nguvu na vinavyofanya kazi vya tabia ya Kikristo. Wale walio navyo ni wamoja na Kristo na wanaendeleza mbele utume Wake.... Inatulazimu kuketi miguuni pa Yesu kama wanafunzi endelevu na kufanya kazi na karama Zake za imani na upendo. Kisha tutajivika nira ya Kristo na kuinua mzigo Wake, na kisha Kristo atatutambua sisi kuwa wamoja na Yeye; ndipo itasemwa huko mbinguni, “Mu wafanya kazi pamoja na Mungu.” Je! Vijana wetu watakumbuka kwamba pasipo imani haiwezekani kumpendeza Mungu? Na ni lazima iwe imani itendayo kazi kwa upendo na kuitakasa nafsi.

Hatuwezi kukadiria kupita kiasi thamani ya imani sahili na utiifu usio na maswali. Ni kwa kufuatisha njia ya utii kwa imani sahili ndipo tabia inapata kuwa kamilifu.